


AWIG - AWIG
DESA ADAT APUAN



KAMEDALANG OLIH
KRAMA DESA ADAT APUAN



KECAMATAN SUSUT
KABUPATENDAERAHTINGKATII
BANGLI
WARSA 1994

PENGANTAR

MAKA BANTANG AWIG AWIG DEGA ADAT ADUAN

MURDA CITTA	WIYANG
SARGA I ARAN LAN WEWIDANGAN DEGA.....	1
SARGA II PETITIS LAN PAMIEUEURH.....	2
SARGA III SUKERTA TATA PARRAMAN.....	3
Palet 1 Indik Erama.....	4
Palet 2 Prajuru utawi Inulun Desa.....	5
Palet 3 Indik Kulkul.....	7
Palet 4 Indik Paruman.....	8
Palet 5 Indik Druwen Deza.....	9
Palet 6 Sukerta Pamitegep.....	10
Kaping 1 Karang lan Tegal.....	10
Kaping 2 Pepayonan.....	11
Kaping 3 Wewangunan.....	12
Kaping 4 Wewalungan.....	12
Kaping 5 Bhaya.....	13
Kaping 6 Penyanggran Banjar.....	14
Kaping 7 Indik Pariwertu.....	14
SARGA IV SUKERTA TATA AGAMA.....	15
Palet 1 Indik Dewa Yadnya.....	15
Palet 2 Indik Rsi Yadnya.....	16
Palet 3 Indik Pitra Yadnya.....	19
Palet 4 Indik Manusa Yadnya.....	24
Palet 5 Indik Bhuta Yadnya.....	25

ABSA	V	SUKERTA TATA PAMONGAN	16
		Palet 1 Indik r. Isahan.....	20
		Palet 2 Indik Bg sptan	20
		Palet 3 Indik Kontan.....	21
		Palet 4 Indik Marisan.....	30
ABSA	VI	WICAMA LAN FAHIDA.....	34
		Palet 1 Indik Wicama.....	34
		Palet 2 Indik Fahlanda.....	35
		Palet 3 Indik Kumpang.....	35
ABSA	VII	KUWUH - KURUH AWIG - AWIG.....	36
ABSA	VIII	PAMUUT.....	37

Om Awignamastu nama sidham.

Putusing Pangebana Krama Desa Adat Apuan gumawe Awig Awig Desa Pekraman maka sepat siku - siku pematut, waetu kasidan Prayojanan Mami kabeh presama angidepaken muah amanggehaken kadi linging Awig - Awig iki.

Desa Adat wantah marupa pasayuban Krama Desa rauhing kula warga pawongannya, manut dresta Desa kemanggehang Ehuana Agung, pawongannya soang - soang pinaka Ehuana Alit, kalih malarapan cantu Jagathita, sinanggeh murdhaning prayojana pangriptaning Awig - Awig.

SARGA I

ARAN LAN WEWIDANGAN DESA

Pawos 1

- (1) Desa Adat puniki mewasta Desa Adat Apuan.
- (2) Jebar Kakuwub wewidangannya mewates nyatur :
 - a. Sisih Wetan Desa Adat Serokadan ;
 - b. Sisih Kulon ring Tukad Yeh Daah ;
 - c. Sisih Lor Carik Subak Apuan ;
 - d. Sisih Kidul Carik Subak Apuan (Bekutel).
- (3) Desa Adat puniki kawangun antuk karang, carik miwah Tegala ayahan Desa, sane kabawos tanah ayah Desa turmaning kepeah dados 2 (kalih) banjar luwire :
 - a. Banjar Apuan Kaja lan ;
 - b. Banjar Apuan Kelod.
- (4) Banjar Apuan Kaja kepeah dados 4 (petang) tempek luwire :
 - a. Tempek Kaja ;
 - b. Tempek Tengah ;
 - c. Tempek Kelod lan ;
 - d. Tempek Brahmana.
- (5) Banjar Apuan Kelod kepeah dados 3 (tigang) tempek luwire :
 - a. Tempek Kelod ;
 - b. Tempek Tengah lan ;
 - c. Tempek Lalang.

SARGA II

SARGA II

PATITIS LAN PAMIEUKIRI

Pawos 2

Desa Adat Apuan ngemanggahng Pamikukuh minakadi

- a. Pancaella
- b. Undang - Undang Dasar 1945
- c. Tri Hita Karana manut cara cara Agama Hindu

Pawos 3

lawir patitis Desa Adat Apuan

- a. Mikukuhang alwah ngerajegang sang Hyang Agama ;
- b. Nginggilang tata prawertine meagama ;
- c. Ngerajegang pasukertan Desa saha pawongannya sekala kelawan nickala ;
- d. Mikukuhin Awig - Awig, pararem lan pasuara.

SARGA III

SUKERTA TATA PEKRAMAN

Palet 1

Indik Krama

Pawos 4

- (1) Sehanan sang jenek mapaumahan ring Desa Adat Apuan sane me-Agama Hindu tur nyungkemin Kahyangan Tiga sanggeah Warga Desa Adat Apuan.
- (2) Sejaba punika sinanggeah tamu.

Pawos 5

Krama Desa wenten 6 (ena) Pawos luwiro :

- a. Krama ngarep: Kulawarga sane ngamong Tanah Ayah Desa , utawi madruwa tanah sangkaudug Redistribusi ;

b. Krama

- b. Krama Tapukan Kulawarga manut aksara a. cakewanten jurung antea ngayah ;
- c. Krama Bala Angkep, Kulawarga sane tanpa tanah Ayah Desa cakewanten sampun mawiwaha ;
- d. Krama Nyambut inggih punika ayah sane nenten madruwe waris ;
- e. Krama penekolan inggih punika :
 - 1. Kulawarga sane magenah ring karang ayah utawi ring karang sioan cakewanten nenten kekerob sundul cakeng ayah pengarep.
 - 2. Kulawarga saking tiyos Desa sane Jumenek ring Desa Adat Apuan sesampun 3 (tigang) Saasih.
- f. Sekaa Teruna Kulawarga sane ngawit mayusa 13 (telulas) warsa ngantos 40 (petang daga) warsa saha dereng mawiwaha ;

Pawos 6

Ngawit patut dados Krama Desa :

- a. Sangkaning ngamong Tanah Ayah Desa lan tanah Redistribusi ;
- b. Mawiwit pawiwahan ;
- c. Sangkaning nyepih (numbas, ngewaris,* ngidih lan sepenunggalannya) tanah ayah Desa lan tanah Redistribusi ;
- d. Sangkaning pinunas ngeraga utawi sangkaning jenek mapaumahan tampek wewidangan Desa Adat Apuan saha kacumponin olih Krama miwah Prajuru kangkat ngeranjing mekrama Desa Bala Angkep.

Pawos 7

Panemayan tedun mekrama Desa :

- a. Nyabran saasih Kesanga mejalaran tumbak saya meserana rayunan apunjung jangkep medaging kawisan, taler sadereng tudun mekrama mejalaran antuk tatengeran sadereng arep ring Krama ;
- b. 6 (enem) saasih mawiwit pawiwahan.

Pawos 8

- (1) Sehanan Krama Desa keni tetegenan (ayah - ayahan) luwire :
 - a. Ayah nyumek mapiteges urunan miwah ayahan mamungkul cakeng Krama ngarep .

b. Ayah.....

- b. Ayah Tapukan keni urunan mamungkul sakewanten kaluputang sakeng ayah - ayah ngantos mayusa 16 (enem belas) warsa utawi sampun mawiwaha ;
 - c. Ayah Bala Angkep keni Ayah miwah urunan manut perarem ;
 - d. Sekaa Teruna utawi deha Teruna keni patedunan manut pinunas Krama Desa ;
 - e. Krama nyamput keni tetegenan manut perarem lan indik ngelaksanayang ayah manut kawentenan ;
 - f. Krama penekelan keni tetegenan wiyah ayahan manut perarem ;
 - g. Prade rikalaning ngayah wenten sinalih tunggil Krama matilar Sadereng puput karya, wenang Krama inucap keni pamidanda tajak laler kawastanin.
- (2) Soang - soang Krama Desa sane ngerobang keluarga sejeroning mayusa 7 (pitung) warsa ngantos 15 (limelas) warsa patut ngamolihang kaweruhan saha keranjingan ring Sekolah 9 (siya) warsa ngantos puput utawi ngamolihang cihna, antuk Krama sane ngerobang inucap ; prade mamurug wenang kedanda manut perarem, saha patut ngemarginin pidabdab sakeng Guru Wisesa sejeroning nincapang kaweruhan.

Pawos 9

Krama Desa kedadosang :

- a. Mapoangkid utawi tan tedun apisan, rikala meyadnya manut pangelokika, matepetin, mapewangunan (ritatkala ngerasabin utawi nasarin) miwah keluasan masengker 3 (tigang) rahina, selangkungnyane patut wenten kebebasan Prajuru, lan tios - tiosan manut perarem ;
- b. Nyada ; nyerahang ayah antuk Krama Ngarep, lan mademang ayah mawit Krama Bala Angkep kangkat mawit sampun mayusa 60 (enem dasa) warsa , sejawaning wenten parindik tiyos manut perarem ;
- c. Luput petedunan kengin sangkaning dados sadaka, pemangku Desa, pemangku Kahyangan Tiga, sane cedangga banget tur tan madruwe roban sane patut nedunin, anak alit ubuh ngantos munggah deha teruna, lan sane tiosan manut perarem ;
- d. Nekel ; nutug ayah antuk berana manut paetangan Desa sangkaning kajudi antuk sang mawang rat utawi jenek ring dura Desa ngerereh pekaryan.

Pawos 10

Wusan dados Krama Desa luwre :

- a. Sangkaning

a. Sangkaning :

1. Pinunas ngeraga sangkaning kesah kedur...
utawi ngelangkung segara ;
2. Kenorayang dwaning sampun tan prasida ngesehin...
maprawerti state nguwug kecaping Awig Awig .
3. Seda utawi ceput.

b. Sang wusan mekrama :

1. Patut ngaturang ayahnya ke Desa ;
2. Tan polih pah - pahan sangkaning padruwen Desa, sajabab
pahan ring soang - soang Banjar utawi Tempek manut perarem.

c. Prade sang wusan mekrama pecak, ayat mekrama malih, kangkat
yening sampun kecumponin antuk Krama saha patut naur penaub
mekrama manut perarem.

Palet 2

Indik Prajuru utawi Dulun Desa

Pawos 11 ✓

- (1) Desa Adat Apuan kaenter antuk Bandesa Adat.
- (2) Banjar utawi Tempek kaenter antuk Kelihan Banjar utawi Tempek.
- (3) Bandesa Adat patut :
 - a. Mawiwit sakeng Krama Desa ngarep ;
 - b. Keadegang melarapan antuk paruman, saha Prajuru soang -
soang taler keadegang nyabran 5 (limang) warsa,
sejawanning wenten parindik tiis kangkat kapilih malih ;
 - c. Patut nincapang kaweruhan ring sulur Agama lan Adat,
turmaning tan ceda angga, ceda budi lan sepenunggalannya
saha tan kapialang antuk Uger - Uger Panegara ;
 - d. Maduluran Dewa Sakei ring Pura Bale Agung.

Pawos 12

(1) Bandesa Adat kebanggra antuk :

- a. Petajuh utawi Pangliman pinaka wakilnya ;
- b. Penyarikan pinaka juru surat ;

c. Petengen...

- c. Petengen pinaka pengamong druwen Desa ;
 - d. Kesinoman pinaka juru arah.
- (2) Kesinoman akeh nia manut kawigunan saha magilir nyabran ngesasih.
- (3) Sajeroning ngenterang nickala Bandesa Adat mingeingthang Pemangku Kahyangan Desa.

Pawos 13

- (1) Swadharmaning Bandesa Adat Luwire :
- a. Ngenterang pelaksanaan sedaging Awig - Awig niwah perarem Desa ;
 - b. Nuntun tur ngenterang Krama rauhing Warga Desa ngupadi anut petitis ;
 - c. Mawosin kalih niwakang pamutus arep ring wicara warga Desa ;
 - d. Maka duta matemuang bawos ring sapa sira ugi.
- (2) Prade Prajuru iwang pelaksana keni pamidanda nikel ring kaiwangan soang - soang saha kangkat keraryanang manut perarem.

Pawos 14

- Petias Utawi Olih - olihan Prajuru Luwire :
- a. Polih tanding tengah ;
 - b. Luput rerampen ;
 - c. Petias sewosan manut perarem.

Pawos 15

- (1) Prajuru Desa kagentosin riantukan :
- a. Seda ;
 - b. Tutug panemaya ;
 - c. Wit sakeng pikayun rahayu utawi pinunas ngeraga ;
 - d. Kanorayang dwaning iwang pemargi utawi niler sesana.

(2) Ngenorayang.....

- (2) Ngenorayang utawi ngentosin Prajuru patut seJeroning Perumahan saha kaingkupin antuk Krama Desa.

Palet 3

Indik Kukul

Pawos 16

- (1) Kukul ring Desa Luwire :

- a. Kukul Desa ;
- b. Kukul Banjar ;
- c. Kukul Tempekana ;
- d. Kukul Sekaa - sekaa.

- (2) Tabuh tatepakatan Kukul Desa :

- a. Kalih Tuludan lambat ,tengeran tedun ngayah utawi parum ;
- b. Atuludan Bulus , tengeran kapanca bhaya ;
- c. Limang kelentungan lambat tenggeran petedunan wangde.
- d. Tigang Kelentungan lambat tenggeran Pawiwahan ;
- e. Tenggeran Kelayu Sekaran (putus /beda)
 1. Atuludan lambat, Tenggeran mitahuang ;
 2. Kalih Tuludan lambat selanturnya nedunang Krama.

Pawos 17

- (1) Kukul Desa utawi Banjar tan wenang katepak yening tan sangkaning pituduh Prajuru, seJawaning tenggeran kapanca bhaya.
- (2) Sang nepak tan sangkaning pituduh patut digelis atur eupeka maka buatan panepake, yan tan mangkana wenang sang mamurug kedanda manut perarem.
- (3) Suaran Kukul,tenggeran kapanca bhaya patut ketedunin antuk Krama Desa saha makta gegawan anut bhaya.
- (4) Kukul sekaa - sekaa semaliha kukul pondokan - pondokan tan kalugra nyawerin (matehin) sukat utawi tenggeran kukul Desa prade mamurug wenang kedanda manut perarem.

Palet 4.....

Palet 4

Indik Paruman

Pawos 18

- (1) Paruman/sangkepan ring Desa Adat Apuan wenten :
- a. Paruman Desa Kawentenang :
 1. Nyabran ngeasih tanpa arah - arah ngangken Redite Kliwon saha matenggeran kulkul ;
 2. Napkala (Padgata kala) majalaran arah - arah saha matenggeran Kulkul manut tetujon ;
 - b. Paruman Prajuru, kawentenang manut tetujon ;
 - c. Paruman Banjar manut paetangan Banjar ;
 - d. Paruman Tempekan manut paetangan Tempek ;
 - e. Paruman Sekaa - sekaa manut pabuat .
- (2) Paruman Desa madudonan sekadi ring sor :
- a. Prasida lumaksana risampun katedunin antuk sang patut ngamiletin saha sampun terem , keriyinin antuk tenggeran kulkul miwah mabusana nyalempot, medestar saha tan kalugra makta gegawan sakaluwire, tan maren ngarcana ring Ida Bhagawan Panyarikan, maka sarana widhiwidana cane;
 - b. Maka sarana janggi, pengawit kelaksanayang penyacak sepsep saha riwusannya nyacak, dadosan gung alit manut perarem ;
 - c. Tan kalugra ngewetuaken suara goro utawi byuta, yan hana mangkana, keni pamidanda pecamil kadi dandaning nguman - uman ring sabha ;
 - d. Pamutus bebawos beriuk sepanggul (ingkup) punika kemanggehang, prade tan prasida suara makehan pinaka pamutus.
- (3) Prade pidaging paruman tan kaingkupin mangda Prajuru Desa ngilikang bebawos, saha putuzannya mangda keraremin antuk Krama Desa bilih tan prasida kasungkemin jantos ping tiga Prajuru wenang nunas bawos ring sang ngawe wenang .

Pawos 19

- (1) Sajeroning paruman Desa , Bandesa Adat patut nyiarang pemargin ngenterang Desa. pamekas ngeninin indik :

a. Munjuk.....

- b. Urunan Krama Desa Adat .
- c. Paica saking Guru Wisesa :
- d. Paica - paica utawi usaha tiosan sane patut.

Pawos 23

- (1) Prajuru Desa wenang ngetanggung pamupon laba Pura lan ceponnggalan druwe Desa.
- (2) Pikolih lan pamuponnya keanggen prabeya piodalan saha wewangunan ring pura miwah sane tiyosan.
- (3) Nyabran pesangkepan Desa, Prajuru pengamong druwe Desa ngawentenang parindik munjuk lungsurung padruwe ring Krama Desa.
- (4) Sakaluwiring druwen Desa patut wenten ilikitannya.
- (5) Tan Kalugra ngadol, nyepih utawi ngesahang padruweyan desa yan tan kasungkemin antuk krama desa.
- (6) Pidabdab indik kawentenan Lembaga Perkreditan Desa (LPD) manut perarem.

Palet 6

Sukerta Pamitegep .

Kaping 1

Karang lan Tegal

Pawos 24

- (1) Krama Desa pangemong Karang desa patut ngawatesin karang inucap antuk paggehan utawi tembok mangda pakantenannya asri.
- (2) Wates sisi kaler miwah kangin patut kekaryanin antuk sang ngamong karang ayahan inucap sane mewasta magaleng keluwan, sejawaning tanah , tegal utawi tanah Padruweyan ngeraga sane kapiara watase sisi kelod miwah kauh, reh punika mewasta magaleng keteben.
- (3) Prade kerasayang pagedhan/turus inucap ngelikadin, yan pada area penyandinge nganggen pinget kewanten kesaksi antuk Prajuru Desa utawi pracihna pal saking sang mawang rat.
- (4) Prade wenten karang kebebeng mangda keutsahayang wenten pemarginya.

Pawos 25.....

- (1) Etnalib tunggil Krama Desa tan kalugra
 - a. ngalah alah mangi, tegal ayahan, karang Desa lan sepuunggalannya;
 - b. ngalah alah tanah, tegak kabhyangan, setra, lan sekandon tegak sinanggeh suci.
- (2) Prade wenten sekadi ring ajeng, sang ngalah alah patut ngewaliang tanah inucap saha keni pamidanda sepatutnya, kadulurtn upakara ring pengalah alah tanah suci.

Kaping 2

P e p a y o n a n

Pawos 26

- (1) Ngawit nandur pepayonan utawi tanem tuwuh patut adepa agung ngajeroang makeng wates, prade jantos ngeliwat wates wenang kesepat gantungin.
- (2) Yening wenten tetanduran ngungkulin, semaliha mewastu mayanin kepinağa patut kewara antuk paiguman ping ajeng prade sang neruwenang wit ngerebah utawi notor.
- (3) Prade sampun kewara taler tan wenten usaha sang neruwenang, wit sang rumasa katetehan utawi kaserihan wenang mesadok ring Prajuru, tur risampun keparitatas kalugra ngicalang pepayonan inucap sekewanten patin pepayonan patut ketawur manut panglokika sane nepasin.
- (4) Sang keni pamidanda penyanggackara saha prabea manut perarem arep ring wewangunan sang kerubuhan, luwire :
 - a. Sang neruwenang sang sinanggeh mayanin prade pungkut ngerubuhin wewangunan krama tios ;
 - b. Sang notor munggul utawi ngebah taru tur ngerubuhin Krama tios.
- (5) Krama Desa patut ngemanggehang kawerdian tanem tuwuh sane ngawinang desane asri tur lestari, saha tan kapatutang ngebah taru sadereng polih wak-wakan Prajuru utawi pituduh Guru Wisesa.

Kaping 3.....

Kaping 3

Wewangunan

Pawos 27

- (1) Nyabran ngewangun patut :
 - a. Meadok ring Prajuru, ping ajeng prade wewangunan nganinin wates ;
 - b. Ngangge asta bhumi miwah gegulak asta kosala - kosali sanistane manut ring petitis niskala ;
 - c. Tan nyayubin kapisaga.
- (2) Prade wewangunan jantos nyayubin bilih - bilih temboko ring telengin wates, risampun kewara tur kesadokang ring Prajuru, wenang kedanda manut perarem saha tembok inucap kegubar utawi sanistane mangda kekaryanang abangan.

Kaping 4

Wewalungan

Pawos 28

- (1) Sahanan warga desa sane mamiara wewalungan patut nekarya kandang, saha patut sayaga nitenin negul / ngelogor mangda tan ngerusakin karang utawi paabianan krama sewos, bilih - bilih jantos ngerajing ngeleتهin Kahyangan.
- (2) Prade wenten wewalungan ngelumbar utawi ngeleb ngerusakin karang utawi paabianan krama sewos, risampun kewara kengin ketaban tur kedanda, ngewaliang wit sane rusak saha naur penebas papiaraan tetabanan, manut pengelokika Prajuru Desa ;
- (3) Prade jantos ngeleتهin tegak suci, minakadi pemerajan (gancang kemulan) risampun keparitatas antuk prajuru, wenang sang nruwenang kedanda mabuhu agung tebasan - tebasan prayascita durmanggala utawi panca sata iwak bebek belang kalung prade jantos ngeleتهin Kahyangan Desa utawi pura pemakcan.
- (4) Krama desa patut nyanggra wewalungan miwah sarwa prani, Tur tan kepatut morosin sane prasida ngicalang kawerdian inucap sadereng wenten wak-wakan Prajuru utawi pituduh Guru Wisesa.

Kaping 5

K a p i n g 5

B h a y a

Pawos 29

- (1) Pari Indik bhaya, Iuwire Jiwa bhaya, Artha bhaya, dura cara ring Agama lan sane tiyosan.
- (2) Sang manggihin kehanan Jiwa bhaya, patut nepak kulkul bulus mapitulung anut pawos 16 (2) aksara b.
- (3) Prade ring desa kehanan Jiwa bhaya, patut desane ngaturang bhuta Yadaya tur sang mayaning katur ring sang ngawewenang.
- (4) Prade wenten jatma memituh utawi nguman - nguman jatma tios, kekeninin pamidanda bea pecamil tebasan prayascita manut perarem.

Pawos 30

- (1) Sang manggihin kehanan artha bhaya (kemalingan), patut ngulkul mapitulung manut ring pawos 16 (2) aksara b, utawi sang kemalingan atur supeka ring Prajuru desa sane pacang nimbangin utawi nuntun anut Uger-Uger Guru Wisema saha mawruh penyanggaekara prade wenten jatma ngemaling barang sinanggeh suci.
- (2) Pratingkahe mapailon ring dusta kebawos saroro prade wenten jatma manggihin maling tan nyadokang ring Prajuru Jantes jatma tios nyaduang patut kedanda kadi dandaning maling, sakwah pengargan wit manut cacakan Desa, tur prade jantes ping tiga melaksana sapunika wenang kasukserahang ring sang ngawewenang.
- (3) Prade wenten jatma ngerereh reramon, minakadi taru, saang, dsun kelapa, ron, lan sepenunggalannya tanpa sadok ring sang nruwenang, prade kacunduk (ketara) patut kedanda kadi dandaning maling.
- (4) Yening wenten jatma ngerajing kepakubon wiadin kepekarangan jatma tiyos rikala suwung, mewastu sang madruwe karang keicelan, wenang jatma inucap ketuwekang antuk madewa saksi ring Pura Bale Agung.
- (5) Mngda tan ketuwekang manut ring 'ajeng asing - asing ngeranjing kubon jatma tios patut :
 - a. Matenggeran suara (mekaukan) ;
 - b. Nyantos sang nruwenang Karang rawuh utawi mesadok ring pangapit pinih tampek, maka buatan pengeranjinge ;
 - c. Pemedal karangnya kedagingin sawen maka cihna pengarah rikala suwung.

Kaping 6

Kaping 6

Peyanggran Banjar

Pawos 31

Krama Desa rikala ngawentenang karya muka duka, patut kemanggihan antuk Banjar :

- a. Trade ngewangun Pitra Yadnya utawi Manusa Yadnya weningunana Penyanggran Banjar ;
- b. Upacara Pitra Yadnya kemangiang rilaapun polih uwak uwakan Prajuru Desa .
- c. Pangerambe utawi karya goteng royong Krama ngantos ping tiga selangkungan punika patut katuran pengingu ;
- d. Pengingu rikala Pitra Yadnya anut abot Gengan Yadnya trade sakeng semeng ngantos wengi katuran pengingu ping kalih.

Kaping 7

Indik Pariwerti

Pawos 32

- (1) Sehanan warga Desa adat tan kapatutang mafejemuhan , ngutang laluhu, mebacin ring Margi Agung tur ring genah sane nenten kapatutang sane prasida ngicalang pasukertan Desa Pakraman.
- (2) Krama Desa patut ngewardiang ring sajeroning setra Adat nendur sarwa sari mangda setra inucap pekantenannyane asri.
- (3) Telajakan karang sane majeng Margi Agung, Herajan , Karang Sikut Satak patut kapiara nyabran rahina tur katandurin sarwa sari.
- (4) Sehanan Warga Desa Adat patut mebersih - bersih nyabran rahina ring karang paumahan sami sakeng telajakan ring ajeng rawahing got/kekalen lan Margi Agung.
- (5) Sehanan Warga Desa Adat kapatutang makarya Angkul - angkul ring Soang - soang tegak pekarangan, saha patut madruwe genah mebacin utawi WC.
- (6) Sang espa eira ugi sane mamurug pidabdab inucap patut keni pamidanda manut uger - uger sakeng Guru Wisesa.

SARGA IV.....

BABGA 17

SURETA TATA AGAMA

Palet 1

Indik Dewa Yadnya

Pawac 33

- (1) Pelinggih penyiwian sowidangan Desa Adat Apuan, luwire :
 1. Kahyangan Tiga : Pura Desa/Bale Agung, Pura Pucuh, miwah Pura Dalem.
 2. Pura Melanting ;
 3. Pura Tirta Empul .
 4. Pura Prajapati.
 5. Pajenengan
- (2) Rashtra pidalan soang - soang Kahyangan kadi ring sor :
 1. Pura Desa /Bale Agung rikala Purnemaning Ketiga ;
 2. Pura Pucuh rikala Santecara Kliwon Krulut ;
 3. Pura Dalem rikala Anggara Kliwon Medangala ;
 4. Pura Melanting rikala Budha Wage Kelawu ;
 5. Pura Tirta Empul rikala Buhda Wage Merakih ;
 6. Pura Prajapati rikala Anggara Kliwon Krulut
- (3) Pengaci ring pura - pura inucap manut kecap Sastra Agama saha kangkat kelaksanayang, nista, madya, utama.
- (4) Rikala ngelaksanayang pidalan utawi karya sadereng ngemargiang pamuspaan patut kariyinin antuk Tri Sandya ;
- (5) Soang - soang Pura inucap ring ajeng kaempon antuk Krama Desa Adat Apuan, saha Indik pidabdab pemargi aci utawi pidalan magilir satunggil memargi antuk Banjar Apuan Kaja lan Banjar Apuan Kelod, sesawaning wenten pemargi yadnya tiyosen manut perarem.

Pawac 34

- (1) Ring Parhyangan Desa Adat Apuan patut ngadegang Pemangku Kahyangan Desa, lan Pemangku Prajapati.

(2) Ngadegang.....

- (2) Ngadegang Pemangku inucap angka (1) manut dudonan :
- Nyanjan utawi masemurang, soang - soang mapiteges mapinunas ring ajeng Kahyangan Desa utawi ring balian sonteng, lan sepenunggilannya ;
 - Turunan utawi ngewaris ;
 - Kecatri (pilihan Krama Desa) ;
 - Mawiwit sakeng Krama Desa Adat Apuan .
- (3) Tan kawenang keadegang dados pemangku , luwire :
- Cedangga, luwire : peceng , perot, cungh lan sepenunggilannya ;
 - Sang sapa sira ugi sane tan kepatutang anut perarem ;
 - Sakit ila, ayan, buduh wiadin edan ;
 - Sane mederbe kesucian urip tan becik.
- (4) Prabya kepemangkuan :
- Adikaa Widhi (ngawintenin) kemenggala saha kelaksanayang antuk sang ngadegang, mekadi Krama Desa ;
 - Mapitra Yadnya riwekas, patut kelaksanayang antuk Krama Desa.
- (5) Pemangku patut ngemanggehang besananing pemangku, luwire tan wenang ajejuden miwah sane tiosan.

Pawos 35

Swadharman Pemangku luwire :

- Ngenterang upakara utawi Yadnya ring Parhyangan Desa Adat, saha kangkat ngenterang Upakara ring sajeroning soang - soang Pakubon Krama ;
- Tan Wenang salab sulub yan mamurug wenang pemangku inucap nyepuhin raga ;
- Prade sinalih tunggil pemangku Kahyangan tiga kapiambeng kengin nyelang Pemangku Kahyang Tiga ring Desa utawi nuur sang Sulinggih ;
- Semaliha yen sampun pemangku ngayah tigang rahina ring pura kancit wenten kulawargania padem, Pemangku inucap tan keneng cuntaka, sakewanten Pemangku tan budal selami piodalan.

Pawos 36.....

Petias utawi olih - olihan pemangku, luwire :

- a. Sarin Canang miwah pejati mawiwit sakeng aturan upakara krama 1/3 (apah tiga) ;
- b. Luput Ayah ;
- c. Luput Rerampen lan polih upon pelaba pura manut perarem .
- d. Bueana arangsukan nyabran awaren apisan ;
- e. Tios - tiosan manut perarem.

Pawos 37

(1) Pemangku kegentosin riantukan :

- a. Seda ;
- b. Pinunae ngeraga, menawi kageringan lan sepenunggalnya ;
- c. Kawusanang antuk krama sangkaning melaksana sane tan patut (Asta Dusta).

(2) Prade pemangku kawusang sangkaning melaksana asta dusta, keni pamidanda manut perarem saha ngewaliang prabiya pewintenan pecak.

Pawos 38

Kasukertan Kahyangan kadi ring sor :

a. Tan Kalugra ngeranjing ke Pura luire :

1. Sang katiben cuntaka, mekadi sebel sakeng ngeraga :

- a. Sebel kandel ngerajasuwala, selami dereng mebersih ;
- b. Sebel madruwe putra, selami dereng kepus odel sane lanang, saha sane istri ngantos 42 rahina utawi akambuhan ;
- c. Sebel pengantenan, selami dereng mabiyakala, miwah cuntaka sangkaning kepadaman manut senger ;
- d. Sebel riantukan madruwe keluarga kepadaman/kelayusekaran selami dereng ngelaksanayang Upakara Mesapuh utawi Nyeeb Brahma.

2. Makta.....

2. Makta behanan barang sinanggal ngeleleh.
 3. Sato Agung sejawaning rikala mapepada.
 4. Mabusana tan manut kadi tata caraning ngeraning ke Pura.
 5. Sedereng polih wak wakan pituduh Prajuru utawi Pemangku Desa.
- b. Pratingkaha tan wenang ring Pura
1. Macumpah (cor), sejawaning pituduh Prajuru.
 2. Makabetan, masenenengan, makolem dados asiki lanang wahan, mebacin, mewarih, nyangaang busana, mecepilin anak silih, menahin pugungan (santukan panika cekadi rikala mejahitan patut ngelung busung mecingor lidinya).
 3. Munggah tedun palinggih sejawaning pituduh Prajuru utawi Pemangku.
- c. Sang mamurug kecaping ajeng, keni pemidanda pemerayascita sepatutnya.

Pawos 39

- (1) Yen wenten jatma kerawuhan ring Pura, kengin kepintenan prade rumasa kesumbangsan, yan tan wiakti, jatma indap kesisipan kedanda prayascita.
- (2) Prade ring Kahyangan kehanan durmanggala, minskadi kepanca bhaya, pemangku Kahyangan Desa patut digelie nyedekang ring prajuru mangda marumang krama desa tur ngawentenang pemerayascita sepatutnya.

Palet 2

Indik Resi Yadnya

Pawos 40

- (1) Sang pacang madeg Pandita utawi Pinandita minakadi dalang saluire jagi ngenterang yadnya patut mesadok ring Prajuru Desa kalih Parisada Hindu Dharma Indonesia.
- (2) Prajuru Desa patut ngawas nitenin tur naweng ngalangin prade wenten kacihnian basar kekecap miwah drestane, tur sareng nyaksinin upakara saha nyiarang ring paruman desa tegap rawuhing wates kawenangan ngenterang yadnya.
- (3) Krama desa patut ngaturang ayah cepemadeg miwah ring pengelepas sang culinggih riwekas katuntun antuk Prajuru.

Pawos 41

Pawos 41

- (1) Sang sulinggih patut ngeriyinang ngayunin ring wawidangan Jagat Desa Adat Apuan sesampuna puput wawu kangkat muputang Yadnya kesebar tiis Jagat utawi kedura desa.
- (2) Erama Desa sami patut sareng ngawas nitenin ketuntun antuk Prajuru, mangda sehanan Yadnya sane kewentenang kalceh pemuput olih Pedanda utawi Pinandita manut kewenanganya soang - soang.

Palet 3

Indik Pitra Yadnya

Pawos 42

Pemargin Pitra Yadnya madudonan manut sekadi ring sor :

- a. Pengupakarah sang kelayu sekar :
 1. Antuk mendem utawi ngeseng maka cihna pakingsan ring Ibu Pertiwi utawi ring geni selami nuptupang prabeya , lan nyantos pedewasan ;
 2. Atiwa - tiwa (upakara pengabenan/pelebon).
- b. Upakara upacara Pitra Yadnya riwisan keabenang mawastu munggah daun bingin (ngeroras) wawu kekaryanang palinggih Dewa Hyang Bhatari.

Pawos 43

Swadharmaning lan tetegenan prade wenten sinalih tunggil Krama Kelayu sekaran :

- (1) Sang kaduhkitan patut :
 1. Nyadokang ring Bendesa Adat tur nunas tetimbangan ring kawentenannya ;
 2. Ngaturin Krama ngerombo mekarya eteh - eteh sawa kedulurin panyembrama sanang sesida antuk ring pengerombo nganter ke setra ;
 3. Prajuru Adat maritatas pemargin sang kaduhkitan, napike pacang kependem, makingsan riyin utawi lantur keabenang ;

4.a. Indik.....

- g. Tumpek :
 - h. Buda Wago (buda Cemeng) :
 - i. Anggar Kasih (Anggara Kiliwon) :
 - j. Sanlecara Umanis Watugunung :
 - k. Redite Umanis Ukir (Odalan Bhatara Guru) :
 - l. Wuku Walanggati, penanggal ping 11 (soles) :
8. Wuku langkir nganton Budha Kiliwon Paang. (buncal belung).
9. Saasih ke 10 (dasa) langgal ping 13 (telulas) :
10. Dewasa kekeran manut desa adat.
- (4) Prade wenten kalayu sekar, rikala plodolan, kenglo kamrupang tan maupakara tanpa cadok tur memargi wangi ;
 - (5) Tan kalugra nginepang bangbang ;
 - (6) Prade sane kelayu sekaran ngadut manik, patut manik inuap kawijilang riyin wawu kaupakara ;
 - (7) Tata cara ngange setra manut psetangan prajuru miwah dresta
 - (8) Prade pacang mendem utawi ngabenang sawa ring Setra Desa Adat sane saderengnyane, tan ngeranjing dados Warga Desa Adat (kerob) utawi mawit sekeng Desa Adat tiyos, patut nawar penanjung Batu kewastanin, akehnyane manut perarem.

Pawos 44

- (1) Sane kasinanggeh kacuntaka sekadi ring sor :
- a. Cuntaka antuk kelayu sekar ;
- b. Cuntaka antuk ngeraja swala ;
- c. Cuntaka antuk ngembasang putra ;
- d. Cuntaka antuk keruron ;
- e. Cuntaka antuk sakit ila/ buduh ;
- f. Cuntaka antuk pawiwahan ;
- g. Cuntaka antuk gamia gamana ;
- h. Cuntaka antuk salah timpal ;
- i. Cuntaka yening wenten anak iatri mobot nenten keupakara pabikawonan tur pawidiwidana ;
- j. Cuntaka

j. Cuntaka antuk memitra ngalang .

k. Cuntaka antuk yening wenten anak istri ngembasang putra sadurung maupakara pablu kawonan tur pawidiwidana

(2) Sengker Cuntaka manut kawentenannya :

- a. Cuntaka kelayu sekar, cuntakannya 12 rahina manut sekadi loka dreata miwah castra dreata Desa Adat Apuan utawi nyantos Nyeeb Brahma .
- b. Cuntaka ngeraja swala, 3 (tigang) rahina ngawit saking ngeraja swala utawi selami ngeraja swala ;
- c. Cuntaka ngembasang putra, kepus Odol sano lanang ngawit saking putrane embas, utawi ngantos sampun kaupakarayang mekekambuhan tur meperascita manut sekadi agama, sano istri ;
- d. Cuntaka karuron, cuntaka nia abulan pitung rahina (42) Rahina tur sampun matirta pemerayascita, lanang 3 (tigang) rahina ;
- e. Cuntaka pawiwahan , cuntakania ngantos sesampune matirta pablu kawonan ;
- f. Cuntaka gamia gamana, cuntakania ngantos sesampune kepalasang utawi mesapihan tur sampun kawentenang pemerayascita raga tur kawentenang pemerayascita desa adat/Kahyangan ;
- g. Cuntaka salah timpal, kapuputang sekadi manut ring Agama Hindu antuk Krama Desa Adat Apuan ;
- h. Cuntaka anak istri mobot nenten kewentenang upakara pablu kawonan, cuntakania ngantos kawentenang upakara pablu kawonan ;
- i. Cuntaka mamitra ngalang, cuntakania ngantos kawentenang upakara pablu kawonan ;
- j. Ngembas putra nenten kawentenang upakara pablu kawonan miwah upakara pawidiwidana, cuntakania ngantos wenten sane memeras sang putra, tur sampun kewentenan upakara sekadi manut ring ajaran Agama Hindu ;
- k. Prade sinalih tunggil warga Desa wenten ngembasang Putra kembar utawi buncing tan patut kebawos ngeletehin Desa dwaning sapunika cuntakania pateh sekadi ngembasang putra biasa.

(3) Cuntaka Kelayu sekar/kepademan :

a. Kapendem cuntakania :

1. Pengapit, pemapas/penumbak pekarangan lan Banjar ngantos 3 (tigang) rahina saha sampun mesapih ;

2. Kulawarga.....

2. Kulawarga ngarep 12 (roras) rahina saha sampun mesepuh.

b. Keaben cuntakania :

Sang nyambut karya Pitra yadnya cuntakania ngawit sakeng pangepahan pangerombe ring Banjar ngantos riwa yadnyania (mepegat) saha sampun mesepuh.

(4) Sane ketiben cuntaka lulre :

a. Kelayu sekaran sane kacuntaka :

1. Sang sane kelayu sekaran ;
2. Kulawargannia;
3. Banjar tigang rahina.

b. Ngeraja owala sane kacuntaka sang sane ngeraja owala :

c. Ngembas putra, sane kacuntaka kulawargannia sane ngembasang putra lanang wiadin istri ;

d. Pawiwahan, sane kacuntaka sang sane kaupakara pawiwahan lanang wiadin istri ;

e. Keruron, sane kacuntaka kulawargannia lanang wiadin istri ;

f. Gamia gamana, sane kacuntaka sang sane ngelaksanayang gamie gamana lan desa adat nyane ;

g. Anak istri mobot sane tan kewntenang upakara pabiakaonan, sane kacuntaka sane meraga istri (sane mobot) ;

h. Memitra ngalang, kacuntaka sane ngelaksanayang memitra ngalang ;

i. ngembas putra tan kawntenang upakara pabiakaonan miwah upakara pawidiwidana sane kacuntaka :

1. Sang sane ngembas putra ;
2. Putra sane embas ;

Pawos 45

(1) Atiwa - tiwa (pengabenan) kelaksanayang manut dresta.

(2) Panemayan Pengabenan wenten kalih Pawos :

a. Ngaben Dadakan/bahbangun, kedadosang sejerontug mesenger awuku utawi 7 (pitung) rahina ;

b. Ngaben.....

1. Ngaben Nuasa utawi nuasa nyabran limang warsa aplean sane kebawos ngegalung .

Pawos 46

- (1) Pepatusan pengabenan sakeng Krama luwire : gesing akatih, raab asampel, beras abungbung jinah manut perarem.
- (2) Sang madruwe Kelayu sekaran polih pangerombe sakeng Krama ngawit kawentenang pangepahan pangerombe ring krama , saha indik patedunan krama lanang wiadin istri manut kawentenang karya tur manut cekadi pinunas sang meyadnya.

Pawos 47

- (1) Tan kedadosang ngowales Jenukan ;
- (2) Sejabana angka (1) sang madruwe yadnya kangkat ngaturang rayunan utawi panyembrama sematra ring tamu, sane rawuh manut kawentenang sang meyadnya ;
- (3) Tios - tiosan pemargin atiwa - atiwa kadi inucaping ajeng indik pemargi - pemargi anut pidabdab perarem.

Palet 4

Indik Manusa Yadnya

Pawos 48

- (1) Manusa Yadnya inggih punika upacara - upacara dharmaning manusa, ngawit sakeng patemoning kama bang sajeroning garba, ngantos kelayu sekar riwekas.
- (2) Upacara kadi ring ajeng madudonan kadi ring sor :
 - a. Magedong - gedongan duk pengerampinian ibiang ;
 - b. Duk sang kama reka medal ;
 - c. Kepus Odel lan Roras rahina ;
 - d. Tutug kambuhan 42 (petang dasa kalih) rahina ;
 - e. Nigang sasihin ;
 - f. Pawetuan /oton/odalan (enem sasih) ;
 - g. Tutug Kelih (ngeraja wedana, ngembakin utawi ngeraja singa lanange) ;
 - h. Matatah (mepandes) ;

1. Mawiwaha.....

- 1. Mawiwaha ;
- 2. Mewinten
- (3) Upacara - upacara inucap nista, madya, utama menurut castra Agama saha catur dresta maka buatan desa dresta ngawinang sima cara desa.

Palet 5

Indik Butha Yadnya

Pawon 40

- (1) Butha Yadnya inggih punika upacara biakala ring pertiwi lan kayangan, sarwa perani saha upacara - upacara ring bebutan.
- (2) Upacara biakala ring sarwa perani, luwire :
 - a. Ring sarwa tumuwuh ritatkala tumpek Pengarah (Saniscara Kliwon Wariga) ;
 - b. Ring sarwa ingon - ingon rikala Tumpek Uye (Saniscara Kliwon Uye) ;
 - c. Upacara pakala - kala manusa anut wiguna, kebawoe pabyakala.
- (3) Upacara pabyakala ring pertiwi, kahyangan lan bebhutan kewastanin mecaru.
- (4) Upacara inucap ring ajeng, nista, madya, utama, menurut wiguna kadi ring sor :
 - a. Eka Sata ;
 - b. Panca Sata ;
 - c. Panca Sanak ;
 - d. Reel Gana ;
 - e. Taur Agung ;
 - f. Panca Kelud.
- (5) Sejawaning kadi ring ajeng kawentenang upakara :
 - a. Majot - jotan utawi Yadnya Sesa nyabran wusan ngerateng ;
 - b. Mesapuh - sapuh rikala pacang wali ring Pura ;

Pawon 50.....

- (1) Ngangken ngewarea rikalaning Tilem Kesanga kawentenang tawir kesanga , ketah kebawos ngerupuk maka cihna pacang mapag rainan penyepian benjangne.
- (2) Upacara Penyepian sane pacang kemargiang antuk krama desa :
 - a. Amati geni , tan kengin maapi - api ;
 - b. Amati karya tan kengin nyambut karya ;
 - c. Amati lelungan , tan kengin maoneng - onengan, maguara goro lan sepenunggalannya ;
 - d. Amati lelungan , tan kengin malunga - lungaan .
- (3) Paberatan inucap kamargiang sakeng semeng ngantos benjangne semeng raris kasuarayang kulkul pinaka cihna pengembak .
- (4) Sang mamurug kecaping ajeng keni pamidanda manut perarem desa adat kemargiang antuk petelik (pecalang desa) .
- (5) Riwas rahina nyepi benjangne maka cihna pengawit Içaka Warea patut soang - soang warga Desa sami ngaksama.

SARGA V

SUKERTA TATA PAWONGAN

Palet 1

Indik Pawiwahan

Pawos 51

- (1) Pawiwahan inggih punika petemoning purusa predana melarapan panunggalan kayun suka cita maduluran upasaksi sekala niskala.
- (2) Penglaksanaan pawiwahan luwire :
 - a. Pepadikan kemanggala antuk pakrunan ;
 - b. Ngerorod , merangkat riyin wawu kakrunayang ;
 - c. Nyeburin utawi sentana nyeburin risampun nganutin upakara pamerasan.
- (3) Pidabdab sang pacang mawiwaha patut :
 - a. Sampun manggeh deha teruna (prasida nganutin Undang - Undang Perkawinan ;
 - b. Sangkaning.....

- b. Sangkaning pada rana (tan kepakaa) ;
 - c. Manut kecaping Agama (tan Gemia gemana) ;
 - d. Kawitudayang (Sudi Wedani) prade pengambite (tan Agama miwah kepatl wangl
- (4) Pemargin Pawiwahan mangda taler nganutin Undang Undang Perkawinan saking sang ngawewenang.

Pawon 52

- (1) Pawiwahan sane kepatutang ring desa sekadi ring sor :
- a. Sampun kemargiang pabyakala utawi pesakapan, kesakeleng cekala nekala sane kapuput antuk pandita utawi pinandita;
 - b. Wenten pesakel Prajuru sane mapekelingang utawi ngiliktayang pawiwahan ;
 - c. Prade sang mawiwaha ketiyon Desa, sane ngambil patut nawur prabeya pangelus kerob akehnyanne manut perarem.
 - d. Sampun matengeran suaran kulkul maka cihna sampun sah meperabian ;
 - e. Pawiwahan inucap ring ajeng sampun kecatatang ring Kantor Camat rawuh ke Kantor Catatan Sipil Kabupaten Daerah Tingkat II Bangli.
- (2) Perabian sane tan manut kadi ring ajeng sinanggeh tan patut.

Pawon 53

Tata caraning perabian patut sekadi ring sor :

- a. Sapa sira ugi pacang ngewarangang pakuluwarga patut mesadok ring Prajuru, selanturnya prajuru maritatas anut tan manut kekecap perabiane;
- b. Pemargin pepadikan anut dudonan :
 - 1. Pakrunan jantos ping tiga, sahé soang-soang melarapan antuk :
 - a. Antuk canang Taksu ;
 - b. Kaping kalih antuk canang lan sajeng ;
 - c. Kaping tiga antuk tipat Bantal, kebawas pemuput pepadikan.

2. Risampun.....

2. Risampun pragat reria sang lafai kealak balai ring pakuban sang lanang, saha kalenturang antuk pakubala.
 3. Mangda pragat tumus sekala niskala, rante kulawarga pinaka makta pejati matipat lantal ring merajan wadane.
- c. Prade ngerorod/merangkat patut
1. Reraman lanang ngewentenang panilaku antuk loto sekirangnya 2 + kalih + diri;
 2. Pagenahan antene tan kenglu ring pakuban sang lanang sadereng mabyakala.
- d. Sajeroning pakrunan /pengelakuan patut
1. Kamenggala antuk geng pengampura arep ring reraman wadane.
 2. Kaiguwang bawos idih pakidih utawi pelegayan arep ring pasuwakan sang ngidih naha dewasa pakrab kambean riwakan.
 3. Kecihnayang Indik kapurusa utawi prade sentana rajeg kajejerang kepatut ngidih anak lanang sane kelawan pawiwahan nyeburin, tur risampun sulur pamerasan katagepin kamanggehang sentana nyeburin;
 4. Prade tan terima pelakuan pejati pakrunan kemangiang jantos ping tiga, yening antene sampun nganutin pidabdab sang pacang mawiwaha, upakara patut kelaksanayang saha kamanggala antuk Prajuru Adat.
- e. Pekarbakmbaan mapiteges upacara tinas apadang (puput) mapikuren, dwaning manut sekadi ring sor :
1. Sajeroning kabawos ambe, kelaksanayang ring sekala niskala antuk sarana jejauman miwah pawidi widana :
 - a. Jejauman pinaka ngambe/ngadungang kayun eang-eang pakulawarga wadone;
 - b. Widhi widana pinaka pejati niskala nunas wadone ring pemerajan kemulannya .
 2. Sajeroning bawos kerab pelaksana ring sekala :
 - a. Antuk pesaksi Krama Desa dwaning kekerabang antuk tenggeran kulkul;
 - b. Pamekas penyaksi Prajuru saha ngilikitayang.

Palet 2

Indik Nyapian

Pawos 54

- (1) Pawiwahan praside kawusang melarapan antuk palas perabian utawi kepademan.
- (2) Wusan mapikuren riantukan sinalih tunggil seda mapiteges balu, mekadi balu lanang / istri.
- (3) Palas perabian wenten kalih pawos . inggih punika sangkaning pada lila miwah mawiwit wicara .
- (4) Sang ayat palas merabian patut atur supeka pailikitan riyin ring sang rumawos (Pengadilan Negeri) wastu tinas apadang pemetuse kabawos nyapian wawu Prajuru nyilarang kawentenannya ring Desa saha keni pamidanda manut perarem.

Pawos 55

Tata cara palas perabian sangkaning pada arsa/lila sekadi ring sor :

- a. Nawur prabeya pesaksi sinalih tunggil sami matenga ;
- b. Pagunakaya polih pahan pada ;
- c. Pabekel, tatadan soang-soang kekuasa niri-niri miwah warisan kekuasa antuk purusa ;
- d. Ngeweruhin miwah ngupajiwa pratisentana manut swadarmaning guru rupaka ;

Pawos 56

Prade riwekas sang palas kecihnan adung malih, patut :

- a. Ngelaksanayang pawiwahan malih ;
- b. Kedanda nikel saking palase, yadiastun wit palase pecak sangkaning pada lila (arsa).

Pawos 57

(1) Sang balu kebinayang dados :

- a. Balu luh wit sentana (sentana rajeg) miwah balu luh boya sentana ;

b. Balu.....

- b. Balu suani kepurusa (wit sentana) miwah balu suani nyeburin (boya sentana).

(2) Swadharmaning balu inucap patut :

- a. Ngemanggehang patibrata tan kengin ngemanggehang paradara utawi dratikrama ;
- b. Nguasayang waris pagunakayan, tan dados ngadol, ngadeang, makidihang lan glosan punika, sejawaning kebebasang saking pianak utawi kulawarga pinih tampek saking kurenannya prade pianak kantung alit - alit;
- c. Kengin ngidih sentana prade wenten pidabdab sedurung sinalih tunggil padem, saha kutsahayang kebebasang antuk kulawarga singgih kepurusa ;
- d. Kawenangang mawiwaha malih, yening sampun mawaneng tigang sasih, prade kantung mobot nyantos putrans embes.

Pawos 58

Balu kaucap tan pagedh sekadi ring sor :

- a. Dratikrama utawi paradara ;
- b. Matilar saking pakubon tan pesadok jantos 6 (enem) sasih ;
- c. Lempas ring swadharma sewos - sewos , tan prasida ngesehin salah maprawerti arep ring pituduh kulawarga purusa.

Pawos 59

Sapa sira Ugi Warga Desa Adat Apuan tan kapatutang ngerabi wong arabi, prade mamurug kedanda manut perarem saha prade wicariania tan prasida kebawosin ring pekraman patut kasukserah ring esang ngawiwenang.

Palet 3

Indik Sentana

Pawos 60

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane metu saking pawiwahane kepatut.

(3) Prade.....

- (3) Prade pawiwahane tan kepatut ngewetuang sentana, mangda tan kanton kewastanin bebinjat utawi astra yogia kemanggala antuk penyanggaskara utawi sesipatan
- (4) Prade pawiwahane tan ngewetuang sentana kengin, ngidih sentana upacakel antuk sekala niskala sane kawastanin setana paperasan
- (5) Sentana rajeg inggih punika , pratisentana wadon : predana : sane kemanggehang lanang (purusa) tur risampun ngelaksanayang pawiwahan nyeburin.
- (6) Sang sane dados kearsayang dados sentana rajeg inuap wiwit (5) , inggih punika :
 - a. Pratisentana wadon tunggal ;
 - b. Sampun kemanggehang dados pratisentana lanang (purusa) ;
 - c. Kapawiwahan keceburin , kautamayang antuk Jatma sane maAgama Hindu utawi Jatma sane meagama tiyosan sane sampun ngelaksanayang pamarisuda raga ;
 - d. Sane ngemanggehang sentana rajeg patut mapasadok ring prajuru Desa, saha prajuru Desa patut nyiarang ring Desa Adat .

Pawos 61

- (1) Ngangkat sentana manut dudonan patut makacihna artha berana pemerasan sane kesinaksiang sekala - niskala.
- (2) Sapa eira ugi krama pacang ngidih sentana patut mesadok ring Prajuru Adat sanistane asasih sedereng pemerasan.
- (3) Bendesa Adat kangkat kawakilin antuk Prajuru Adat tiosan nyiarang ring sewidangan desa, sang sapa eira ugi rumasa tan lila mangda nyadokang masengker kalih wuku ebanen pemerasan ring Bendesa Adat.
- (4) Prajuru desa digelis mawosin saha ngicenin pemutus nepek ring catur dresta miwah perarem.
- (5) Prade sulur peperasan tan manut ring kecaping ajeng. Prajuru Desa wenang ngandeg sang pacang mekarya, saha ngicenin penuntun, mangda kepuputang riyin bebawos / sulur utawi wicaranya.

Pawos 62

- (1) Peperasan sane ring desa risampun maka cihna :

a. Widhi.....

- a. Widhi widana pemerasan ;
 - b. Kesaktin antuk Prajuru , sane makelingang utawi ngilikitayang, tur ;
 - c. Keclarang ring wewidangan desane.
- (2) Sane kepatut peras angga sentana kadi ring sor
- a. Jatma nagama Hindu ;
 - b. Papanahan nedunang saking sang meras ;
 - c. Kulawarga saking purusa, prade ten wenten kengin saking wadan yening taler ten wenten wawu kengin sekama kama (saking kayun) ;
 - d. Kautamayang saking waris pancor kapurusa ;
 - e. Sinalih tunggil mawit saking kulawarga tunggal sanggah utawi merajan, paibon lan dadia utawi ngambilin anak tres sakewanten sang nagama Hindu.
- (3) Kengin ngangkat sentana lintang ring adiri, lanang wadin wadan.

Palet 4

Indik Warisan

Pawos 63

- (1) Warisan inggih punika tetamian artha berana saha ayah - ayah ngupadi sukertan sekala niskala saking keluhurannia arep ring turunannya.
- (2) Sane sinanggeh warisan luire :
 - a. Luwe tengah, mekadi tegal ayahan desa, kahyangan, pusaka, lan epenunggalannya ;
 - b. Pemerajan utawi sanggah ;
 - c. Pegunakaya, tatadan, jiwa dana, hutang piutang.
- (3) Wawu kengin kebawos warisan prade wenten :
 - a. Sang mapiturun (pewaris) ;
 - b. Keturunan (ahli waris) ;
 - c. Artha berana miwah tetegenan (ayah - ayah) makacihna warisan.

Pawos 64.....

- (1) Ahli waris, luire :
- Pratisentana purusa ;
 - Pratisentana predana ; sentana rajeg ;
 - Sentana peperasan lanang / wadan ;
- (2) Prade tan wenten cekadi ring ajeng, kang sinanggeh ahli waris
- Turunan purusa pernah ngunggahang, rerama lanang pekek celantur ipun rerama mison mindon ;
 - Turunan purusa pernah keasmping cekadi keponakan miwah mindon.

Pawos 65

Swadarmaning ahli waris patut :

- Nerima saha ngusayang tetamian pahan saking keluhurannya, cekadi ngerempon sanggah, pura saha pengupakarannya miwah nyeledihin ayah - ayahan pewaris ;
- Ngabenang pewaris saha ngelanturang upacara - upacara pitra ;
- Nawurin hutang - hutang pewaris sane manut panglokika.

Pawos 66

Pengepahan warisan nganutin cekadi ring sor :

- Risampun kelaksanayang pitra yadnya lan hutang - hutang pewaris buntas ketawur ;
- Para ahli waris polih pahan pada sangkaning pegunakaya, sejebaning tanah ayahan desa keamong antuk ahli waris kang sinanggeh krama ngarep.
- Sinalih tunggil ahli waris kengin tan polih pahan prade :
 - Nilar kawitan lan sesananing Agama ;
 - Alpaka Guru Rupaka ;
 - Sentana rajeg kesah mawiwaha utawi pratisentana nyeburin, soang - soang kebawas ninggal kedaton.
- Boya ahli waris kengin muponin hasil anut dudonan, luire :

1. Sentana.....

1. Sentana luh, seiani dereng kesah mawiwaha ulawt sipaka guru miwah prade pianak tan keangkenin antuk wong tina rane inucap, kengin ngecaris wantah pikolih (paguna kaya) sentana luh tan ap kemawon :
2. Balu luh wiaitu manah nyeburin (soang - soang boys sentana) :
3. Mulih deui ulawt tatana, riantukan ring padlesane, tatadan - bekal maka cihna paweweh tetep ring pianak sane kesah mawiwaha.

Pawos 67

- (1) Prade sejeroning pahlawarga wenten ahli waris langkungan ring adiri patut :
 - a. Kawentenang paiguman Indik pedum waris inucap :
 - b. Yen tan praida ketumasing tetislangan ring Prajuru (kerta desa) :
 - c. Prade taler tan wenten cumpu ring penepas kerta desa kengin ketumasing ring sang rumawas (Pengadilan) .
- (2) Prade karang inucap keputungan, patut prajuru Desa nitakang ring :
 - a. Sang sinanggeh ahli waris manut pawos 64 ;
 - b. Sang kengin anggen sentana anut pawos 62 (2) miwah (3) ;
 - c. Prade taler tan wenten cumpu ring penepas kerta desa, kengin ketumasing ring sang rumawas (Pengadilan Negeri) .

SARGA VI

WICARA LAN PAMIPANDA

Palei 1

Indik Wicara

Pawos 68

- 1) Sane wenang mawosin mekadi nuturang wicara ring desa inggih punika prajuru Desa sinanggeh kerta desa.
- 2) Prade sang mawicara tan wenten cumpu ring pamutus kerta desa, kengin nuturang wicara inucap ring sang rumawas (Pengadilan) .

Pawos 69.....

Lawes 69

- (1) sahanan wicara mawit ke araha dandanda nunggeh nungkasin daging swig swig. pabara mawa perarem Desa. Prajuru patut digelis mawarin ten nyentia pepadak
- (2) Sejaba wicara kadl sing eleng patut nyentia perlek sang runas bawah.
- (3) Panapase patut pastika nyentia sang patut ke araha Tri Pramana (Sakel, ilikita, luktu) mawa ten mawa pek ring Catur draeta.

Parit 1

Indik Pamidanda

Lawes 70

- (1) Desa menang nisekang pamidanda ring waga desa desa riap
- (2) Peniwak indeap kalaksanayang olin Bangsa Amat.
- (3) Bacakan pamidanda lura
 - a. Ayahan panukun kesisipan ;
 - b. Danda artha (doza, danda naha panikel - panikelawa mawa panikel - panikel arunar) ;
 - c. Kerampagan ;
 - d. Kedaut tanah ayahanya ;
 - e. Kesepakang ;
 - f. Penyanyagakara.
- (4) Pamidanda eane ke araha patut mawariggih daut ring kesisipane.
- (5) Jinah etesi radl mawa pamidanda ngaranjing danda druwen Desa.

Parit 2

Indik Perampagan

Lawes 71

- (1) Krana eane langkawan ring tigana peruman adalatur ten nawur urunan mawa dedenden menang kerampag.

(1) Kerampagan.....

(2) Rerampagan nganggo tata cara kadi ring sor :

- a. Kelaksanayang antuk Prajuru kasarengin antuk kramo tigang diri pinaka cakil ;
- b. Sang ngerampag saha darsana ngambil artha utawi nyawenin tanem tuwuh, akehnya manut ring hutang sang kerampag ;
- c. Prajuru Desa miteketang mangda Artha sane kerampag digelis katebus, mazenger awuku ring kutus rahina pacang keadol ;
- d. Tan nganinin saluwiring artha sane patut inggilang manut Agama miwah tan mademang pangupajiwa sang kerampag.

Pawos 72

- (2) Prade sang pacang kerampag ngewara (ngalangin) pelaksanaan inucap mewastu sampun tan nganutin awig - awig desa wenang karang desa sane kagenahin kedaut antuk desanne.
- (2) Semaliha yen wenten purun taler ngalangin pelaksanaan kadi ring ajeng tan wenten pemargi sejawaning kesepekan antuk Krama Desane.
- (3) Pamidanda inucap ring ajeng buntas risampun sang kekaninin :
 - a. Nunas geng pengampura ring Krama Desa riantukan nguak pasubaya (pararem) pecak ;
 - b. Nawur pengargan penguak pasubayane duk pacang kerampag kadulurin prayascita panyapsap keiwangane ring desa.

SARGA VII

NGUWAH - NGUWUHIN AWIG - AWIG

Pawos 73

- (1) Nguwah - nguwhin Awig - awig Desa Adat puniki kelaksanayang antuk Paruman Desa.
- (2) Awig - awig puniki kemargiang ngawit kaingkupin (keraremin) .

Pawos 74

- (1) Sakaluiring sane wenten saderengnya patut keanutang ring sedaging Awig - awig puniki.
- (2) Sakaluiring sane durung kebawos sajeroning Awig - awig puniki patut kelaksanayang manut tatacara sane sampun memargi kadulurin antuk perarem - perarem.

SARGA VIII.....

SARGA VIII

P E N U P U T

Pawon 75

- 1. Awig - Awig puniki karareman duk pahina Sukra Kliwon Wuku Bala Saah Kera Ikae Varga 1916 Tanggal Masehi 15 Juli 1994 nambli genah ring Hata. Balai Panamuan Desa Adat Apuan.
- 2. Awig - awig puniki kalingga tangenin antuk Prajurit Desa Adat Kekarangan antuk Kepala Dusun Apuan, Kepala Desa Apuan lan Camat Susut Pinaka saksi

(3) Imitir Sang Ngollagan Tangenin

I. Prajurit Desa :



1. Danda Atlat Apuan,

2. Pangliman,

[Signature]
I Made Nuraga.

3. Penyarikan,

[Signature]
I Wayan Sentanu.

4. Patengen,

[Signature]
I Wayan Suwa.

[Signature]
I Wayan Kania.

II. Pinaka Saksi :

1. Kepala Dusun Apuan Kera,



I Wayan Ruraka.

2. Kepala Dusun Apuan Kelod,



I Made Kaler.



Ma Desa Apuan

[Signature]
I Wayan Jawi.



Bangli : 10 Agustus 1994.

Reg. No. : 20 Tahun 1994.

MANGGALANING PAMIKUKUH
BUPATI KEPAJA DAERAH TINGKAT II BANGLI,
Drs. IIDA BAGUS GDE AGUNG LADIP, SH.

A circular official stamp from Kabupaten Manggalaning Pamikukuh. The text inside the stamp includes "Kabupaten Manggalaning Pamikukuh" around the perimeter and "BUPATI KEPAJA DAERAH TINGKAT II BANGLI" in the center. A handwritten signature is written over the stamp.